

YĀGŌGŌRINŌ

Isarailinŏ pākpana Diizi 1:1-3:6

Yāgōgōri káakunŏ 3:7-3:31

Debora 4:1-24

Gidion 6:1-8:35

Samusĩ 13:1-16:31

Isarailinŏ zìkana kŏn Kanaa borii kè aŏ gŏnŏ

¹ Yŏsua gaa gbera Isarailinŏ Dii gbèka wà bè: Dénŏ bé weé gá zì káwe kŏn Kanaanŏ káakuu?

² Ben Dii bè: Yudanŏ bé weé gá. À ma! Ma bùsu pì nàńne nì ɔzĩme. ³ Ben Yudanŏ bè nì dane Simenŏne: À mŏ à gá zewe guu kè Ludaa kpàwa túbi ũu guu, wà zì ká kŏn Kanaanŏ wé gbasa wà gá zere guu kè à kpàawaan. Ben Simenŏ gàańyo.

⁴ Kè Yudanŏ gaa le, Dii Kanaanŏ kŏn Perizinŏ nàńne nì ɔzĩ, ben aŏ nì déde zaa Bezeki bŏrŏ kuri. ⁵ Gwen aŏ Adonibezeki lèn aŏ zì kàŏ, ben aŏ Kanaanŏ kŏn Perizi pìnŏ dède. ⁶ Kè kina pì e bàa lee, ben aŏ pèa. Aŏ à kù, ben aŏ à ɔnemidaanŏ kŏn à gbánemidaanŏ zŏzŏ. ⁷ Ben Adonibezeki bè: Ma kí gŏn baaagŏ akurinŏ ɔnemidaanŏ kŏn nì gbánemidaanŏ zŏzŏ, ben aŏ pŏblee kè lèe ma teebu gĩzĩ kŏw wè. Lán má kè gbè pìnŏne nà, à fian Ludaa bŏme. Ben aŏ gaaŏ Yerusalemu, gwen à gàn.

⁸ Kè Yudanŏ lèe Yerusalemua, aŏ sì, ben aŏ à gbèŏ dède kŏn fèdaao aŏ té sŏa. ⁹ Beee gbera Yudanŏ gaa wà zì ká kŏn Kanaa kè aŏ kú gusĩsĩdeenŏ kŏn Negevio kŏn gusararaao. ¹⁰ Aŏ gaa wà lèe Kanaa

kè wà kú Eblonunɔa. Eblonu tón Kiriataba yā. Gwen aɔ zǐ blèn Sesai kǒn Aimaio kǒn Talamaioa.

¹¹ Bɔna gwe aɔ gāa lée Dɛbideenɔa. Dɛbi tón Kiriasefa yā. ¹² Ben Kalɛbu bè: Gbē kè lèe Kiriasefa pìà à sìn, mé ma nénɔgbē Akasa kpáa nɔɔ ũ. ¹³ Kalɛbu dāaro Kenazi né Ɖtɔnieli bé à sì, ben Kalɛbu a nénɔgbē pì kpàa. ¹⁴ Kè à à sè, ben à nàkɔrea à gá tɔɔte wée ke a dea. Kè nɔgbē pì pita a zaakia, ben Kalɛbu à là à bè: Bón n yezì? ¹⁵ Ben à wèàla à bè: N gbaa kemε. Zaake guu kè n ma gbaa kú Nɛgevi gbáan, n ma gba à íbɔkidee dɔ. Ben Kalɛbu à gbà guu kè à íbɔkii kún sǐsǐ musu kǒn kè à íbɔkii kú guzure guuo.

¹⁶ Musa anzure borii kè wè be Keninɔ bò wéte daminalideen kǒn Yudanɔ, aɔ gāa wà vèényo n búsun Aradi sae Nɛgevi gbáan. ¹⁷ Ben Yudanɔ kǒn n danε Simeonɔ gāa wà lèe Kanaa kè aɔɔ kú Zefanɔa. Aɔ wéte pì kàate mámmam, ben aɔ tó kpàne Ɖɔma. ¹⁸ Yudanɔ Gaza kǒn Asakelɔnio kǒn Ekɛrɔnuo kǒn n guunɔ sì. ¹⁹ Dii kúnýo, ben aɔ n gukpiidee sì, mɔde aɔɔe fɔ wà pè gusararadeenɔaro, kè gbē pìnɔ sɔgoro mɔpɔnɔ vī yānzi. ²⁰ Wà Eblonu kpà Kalɛbua, lán Musa à lé gbè nà, ben à pè Anaki bori gɔɔn aagɔɔnɔa gwe. ²¹ Beyāminɔ sɔɔ e pé Yebusi kè aɔɔ kú Yerusalemunɔaro, ben Yebusinɔɔ kúnýo Yerusalemu ai kǒn a gbàao.

²² Yusufunɔ sɔ lèe Betelia bensɔ Dii kúnýo. ²³ Beteli tón Luzu yā. Kè aɔ gbēnɔ zǐ Beteli asii gwa, ²⁴ gu'asiigwari pìnɔ gɔgbē ke è èe bɔɔ wéte pìn, ben aɔ bène: N owe dian wé ke nà wà gē wéte guu wé gbēkεε kenne. ²⁵ Kè à zé òdɔańne, ben aɔ wéte pì deenɔ dèdε kǒn fēdaao, ben aɔ gɔgbē pì tò kǒn à

danenŋó n̄ píngi. ²⁶ Gōgbē pì gàa Itinŋó b̀sun à wéte kàe gwe, ben à tó kpàne Luzu. Tó beee bé à g̀ne ai kōn a gb̀ao.

²⁷ Manasenŋó e pé Kanaa k̀e aō kú Betesā kōn Tanakio kōn Doro kōn Ibleamuo kōn Megidoo kōn n̄ lakutunaro, zaake aō g̀i wà kpé v̄e b̀su p̄imme. ²⁸ K̀e Isarailinŋó gb̀aa è, ben aō Kanaanŋó dà z̀z̄in, aōe pémma n̄ píngi. ²⁹ Lem̄e se Eflaimunŋó e pé Kanaa k̀e aō kú Gezaro, ben aō kú gwe ledó. ³⁰ Lem̄e d̀ Zebuluninŋó e pé Kanaa k̀e aō kú Kitironu kōn Naloluonaro, ben aō n̄ dá z̀z̄in. ³¹ Lem̄e d̀ Asanŋó e pé gb̄e k̀e aō kú Ako kōn Sidō kōn Alabuo kōn Akazibuo kōn Elabao kōn Afekio kōn Reobuoaro, ³² ben aō v̄e ledó kōn Kanaa b̀sudee p̄inŋó. ³³ Lem̄e d̀ Nafatalinŋó e pé Besemesideenŋó kōn Betanadeenaro, ben aō v̄e ledó kōn Kanaa b̀sudee p̄inŋó aō n̄ dá z̀z̄in. ³⁴ Am̄rinŋó Daninŋó ȳpa aō n̄ kpá gukpiideen, aōe wēne aō mó v̄e gusararaanlo. ³⁵ Am̄ri p̄inŋó g̀i wà kpé v̄e Eresi k̄iia kōn Ayalnio kōn Salabimuo. K̀e Yusufunŋó gb̀aa kàara, ben aō n̄ dá z̀z̄in. ³⁶ Am̄rinŋó b̀su lézekii nàa zaa Swí Gb̀ekotozen ai à g̀a pé Selaa ai à g̀ao ae kpa.

2

Dii Malaika b̀ à m̀na Isarailinŋózi zaa Bokimu

¹ Dii Malaika b̀ Giligala à g̀a Bokimu à bè: Ma a b̄e Igitipi, ma g̀ao b̀su k̀e ma la dà a dezinne k̀kii guu. Ma bè mé ma bà kuunaao yā gboro zikiro. ² Má òare a yā tón kakōa kōn b̀su k̀e deenoro. Má òare à n̄ sa'okiinŋó gboro, ben ée ma yā maro. À k̀e dia á k̀e lee? ³ T̀! M̄e ooare, mé

pérnmaare d̄oro. Aṣégō deare lè ũ a gbàntēa bensō aṣ t̄aano éḡō deare takutēē ũ. ⁴ Kè Dii Malaika yā pì ò Isarailinōne, aṣ óò d̄ò gbāngbān. ⁵ Ben aṣ tó kpà guu p̄ine Bokimu, ben aṣ saa ò Diia gwe.

Isarailinō kpeelina Ludane

⁶ Ȳosua gbēno gbaraena gbera baade gaa à guu kè wà kpàa túbi ũu kù. ⁷ Aṣ d̄ò Diizi Ȳosua gur̄oṣa píngi k̄on gbēnsi kè aṣo kuu à gberaano gur̄o d̄o. Gbēnsi p̄ino wée s̄i yā bíta kè Dii kè Isarailinōnele píngi. ⁸ Kè Dii z̄òbleri Nuni né Ȳosua kè wè bas̄oro akuri, ben à gà. ⁹ Wà à v̄ii guu kè de à túbi ũu guu zaa Timina Eresi, Eflaimuno gukpiideen, Gaasi kp̄ii gu'igbāroo kpa.

¹⁰ Kè Ȳosua gur̄o gbēno ḡaga n̄ píngi, né kè aṣ f̄eē n̄ gberaano Dii d̄oro, bensō aṣ yā kè à kè n̄ dezinōne d̄oro. ¹¹ Ben aṣ yā kè zaa Diine kè aṣ d̄ò t̄aanozi. ¹² Aṣ p̄a kpà Dii n̄ dezinō Luda kè à n̄ bóe Igipitizi, aṣ t̄e borii kè aṣo ligańzino t̄aanozi aṣ donzi kèńne, ben aṣ Dii p̄o f̄e. ¹³ Aṣ p̄a kpàzi aṣ d̄ò Baalizi k̄on Asatoreo. ¹⁴ Ben Dii p̄o f̄eńzi à n̄ ná n̄ wéetāmmarinōne n̄ ozi aṣ n̄ waa. À n̄ kpá n̄ ibeē kè aṣo ligańzin̄o, ben aṣo f̄o wà ḡi n̄ z̄indao n̄ ibeē p̄ino ozi. ¹⁵ Gur̄o kè aṣ ḡaa z̄i ká píngi, Dii è b̄o n̄ kpeeme le yā tón bońyo nnaro yānz̄i, lán à dàńne n̄ swāla nà, ben aṣ ḡò wéetāmma bíta guu.

¹⁶ Ben Dii yāḡōḡorino b̄òb̄o n̄ té le aṣ n̄ sí n̄ wéetāmmarin̄o. ¹⁷ M̄ode aṣe n̄ yāḡōḡori p̄ino yā maro, aṣ p̄ap̄aa kè wà donzi kè t̄aano. Aṣ kè zé kè n̄ dezin̄o s̄ea kpakpaa, aṣégō yā kè Dii dińnen̄o k̄una lán n̄ dezi p̄ino b̄aro. ¹⁸ Tó Dii yāḡōḡori b̄ò n̄ té, èḡō kú k̄on yāḡōḡori p̄io, ben èḡō n̄ sí n̄ ibeeno

ɔzĩ ai yāgŏgŏri pì wèndi lén, zaake tó aǎ m̀bo gbē kè aǎɔe ɔ tǎm̀ma aǎɔe ɪa dańmanɔ yānzi, Dii è n wènda gwame. ¹⁹ Tó yāgŏgŏri gà sǎ, aǎe ɛara wà yaka de n denɔlamɛ. Aǎe dɔ tǎanɔzi aǎe n gbāgbā aǎe dɔnzi kèńne. Aǎe n yāzaakena pìnɔ kǎn n swāgbāaaɔ tóro.

²⁰ Ben Dii pɔ fèńzi à bè: Zaake borii kè ma bà kuuna kǎn n dezinɔ yā gbòro aǎɔe ma yā maro, ²¹ mé péńne borii kè Yɔsua gà à n tó n b̀sunno kea dɔro. ²² Mé n swi ke Isarailinɔ le mà n yǎ mà gwa, tó aǎe ma zé sé aǎgŏ ma yā kũna lán n dezinɔ kũ nà, ke tó aǎe ke lero. ²³ Beee yānzin Dii borii pìnɔ tò gwezi. È n na Yɔsuanɛ a ɔzĩ à péńma gŏro.

3

¹ Dii borii pìnɔ tò gwe le à Isaraili kè wèe Kanaa b̀usu zĩ ká n wáaroonɔ yǎ à gwao, ² le dɔ à zĩkana dada gbē kè aǎ zĩkana dǎ yāroo pìnɔne. Borii pìnɔn yè: ³ Filisitininɔ kina gŏɔn sɔɔroonɔ kǎn Kanaanɔ píngi kǎn Sidǎdeenɔ kǎn Ivi kè aǎ kú Lebanɔ gukpi-ideennɔ zaa Baali Emɔni gbèa ai à gàa pé Lebo Am-ataa. ⁴ À n tó le à Isarailinɔ yǎ à gwao, tó aǎégŏ yā kè à diɛ n dezinɔne Musa gāzĩnɔ kũna. ⁵ Beee yānzin Isarailinɔ vèe Kanaanɔ té kǎn Itinɔ kǎn Amɔrinɔ kǎn Perizinɔ kǎn Ivinɔ kǎn Yebusinɔɔzi. ⁶ Aǎ n nénɔgbènnɔ sè nɔɔ ũ bensǎ aǎ n nénɔgbènnɔ kpǎsǎ borii pìnɔ négŏgbènnɔ, ben aǎ d̀ n tǎanɔzi.

ɔtonieli

⁷ Isarailinɔ yā kè Dii gizi kè. Dii n Luda yā sǎngu, ben aǎ d̀ Baalizi kǎn Asatorɛo. ⁸ Ben Dii pɔ fèńzi à n yá Mesɔpɔtamia b̀usu kí Kusārisataimua, ben aǎ zò blène ai wè sɔraagŏ. ⁹ Kè aǎ wii pè Diizi, ben à

mìsiri b̀òńne, àmbe Kalebu dāaro Kenazi né Ɔtonieli ũ. Àmbe à ní b́. ¹⁰ Dii Nini s̀ua, ben à yā g̀g̀g̀ Isarailinone à d̀ńne ae z̀ guu. Dii Mesopotamia b̀usu kí Kusārisataimu nàne a ɔ̀z̀, ben à gbāaa m̀ne. ¹¹ Ben aɔ̀ b̀usu g̀ kaena aafia wè baplaa ai Kenazi né Ɔtonieli g̀aa gao.

Eudu

¹² Isarailinɔ̀ ̀ara wà yā kè Dii g̀zi kè dɔ̀, ben Dii tò M̀abu kí Egelbni gbāaa m̀ńne à zaaa kè aɔ̀ kè pì yāzi. ¹³ Egelbni Amɔninɔ̀ k̀n Amalekinɔ̀ nàawa, ben aɔ̀ m̀ wà lèe Isarailinɔ̀ aɔ̀ wéte daminalidee s̀. ¹⁴ Isarailinɔ̀ z̀ blè M̀abu kí Egelbnine ai wè baro plaasai. ¹⁵ Ben aɔ̀ wii pè Diizi, ben à mìsiri b̀òńne, àmbe Gera né Eudu, Beyāmi borii ũ. Ɔzedeeme. Isarailinɔ̀ à z̀ tángba kpá M̀abu kí Egelbni. ¹⁶ Eudu f̀e lékplaaadee pì à gbāa kà g̀sāsuu do. À nà a gbáda ɔ̀plaaa a uta gbáru, ¹⁷ ben à g̀aa à tángba kpà Egelbni. Egelbni s̀ né gbẽ m̀edeeme maamaa. ¹⁸ Kè Eudu k̀n gbẽ kè aɔ̀ tángba sè wà g̀aonɔ̀ tángba kpàa wà yāa, ben Eudu a gbẽ p̀nɔ̀ gbàre z̀n. ¹⁹ Ben à ̀ara t̄aa kè kú Giligala sae à s̀ kína p̀ kiia dɔ̀ à bè: Má asiiyā ke v̄i mà onne. Ben kína p̀ bè: À tó mà yā ma, ben à ìba kè aɔ̀ kúonɔ̀ b̀e. ²⁰ Egelbni v̄ena ado kpé musu ãampakiin, ben Eudu s̀zi à bè: Má yā kè b̀ Luda kiia v̄i mà onne. Kè kína p̀ f̀e a kitan, ²¹ ben Eudu a f̀e g̀ à wòto k̀n ɔ̀zeo a gbáda ɔ̀plaaa, ben à à z̀o a gb̄een. ²² Ben f̀e p̀ g̀ à gb̄een k̀n a páo píngi ai à b̀ à kp̄e kpa. Eudu e f̀e p̀ wotoro ai à gb̄e ǹsi dàala. ²³ Eudu b̀ kp̄elea à kpé ãampakii p̀ zé t̄ata à m̀ne k̄a.

24 À bɔna gbera Egelɔni z̄irino mò aõ ãmpakii pì zé è kána, ben aõ bè: Eégõ b̄iikpɛɛ kee kpé ãmpakiian yee? 25 Aõɔe à dāa ai aõ bídi kè. Kè aõɔ è èe zé wḗnɛro, ben aõ m̀nɛ sè wà wè aõ gè wà n̄ dii è daena tɔɔte gè ũ. 26 Gurɔɔ kè aõ kpé wèe kí dāa lɛ, Eudu bàa lè à dò taa p̄nɔzi à tà Seira. 27 Kè à kà gwe, à tò wà kuu pè Eflaimu gukpiideen, ben Isarailino p̄tao kpiinɔa, Eudu d̀h̄nɛ aɛ. 28 À bèh̄nɛ: À témazi, zaake Dii a ibɛɛ Mɔabunɔ nàare a ɔz̄i. Aõ t̄ɛzi, ben aõ Yoda bikūkii kè è gá Mɔabunɔ b̀sun s̄i, aõɔe we gb̄eke bikū d̄ɔro. 29 Z̄i beee aõ Mɔabu ḡõ gbāaanɔ d̀dɛ lán b̄ɔɔ kuri bà, aõ gb̄eke e b̄ɔro. 30 Z̄i beeean Isarailino gbāaa mò Mɔabunɔnɛ, ben aõ b̀su ḡè kaena aafia ai wè basiiḡõ.

Samaga

31 Eudu gbera Anata né Samaga Filisitininɔ d̀dɛ ḡɔɔn wàa aaḡõ k̄n z̀d̄agoo. À Isarailino mì si se.

4

Debora k̄n Barakio

1 Kè Eudu gà, Isarailino èara wà yā kè Dii ḡizi kè dɔ. 2 Ben Dii n̄ yá Kanaa kí Yab̄i kè v̄ɛna Azoa. À z̄ikpɛɛnɔ gb̄ɛnsi tón Sisera. À b̄ɛɛn Arose Goyimu. 3 À s̄ɔgoro m̀pɔnɔ v̄i m̀n wàa siiḡõ kpé basɔɔro. À gbāaa mò Isarailinɔnɛ p̄s̄ip̄s̄i ai wè baro, ben Isarailino wii pè Diizi.

4 Gurɔ beee n̄gb̄ɛ annabi kè wè benɛ Debora, Lapido naɔɔ dɛ Isarailino yāḡɔḡɔri ũ. 5 È yā ḡɔḡɔh̄nɛ a damina lí gb̄aru Rama k̄n Betelio dagura Eflaimunɔ gukpiideen. Isarailino èḡõ gaa à kiia gwe. 6 Ben à Abinɔamu né Baraki kè kú Kɛdesi,

NafatalinƆ b̀usun s̀isi à b̀enɛ: Dii IsarailinƆ Luda bè ñ fɛɛ ñ gá NafatalinƆ k̄n ZebuluninƆ sé ḡɔn b̄ɔɔ kuri ñ gányo Tabo kpiia. ⁷ Dii é Yabĩ z̀ikpɛɛnƆ gb̄ensi Sisera gáɛ à móo Kis̄ swaazi k̄n à s̄goronƆ k̄n à z̀ikpɛɛnƆ paripari, gwen eé à nannɛ n ɔz̄ĩn. ⁸ Ben Baraki b̀enɛ: Tó né gámao dé, mé gá. Tó né gámao s̄ro, mé gáro. ⁹ Ben Debora bè: Mé gányo, m̄de zaake ní ò lɛ, èe kɛ n tó bé eé b̄ɔɔ. Nɔgb̄ɛn Dii é Sisera nanɛ a ɔz̄ĩ sa. Ben Debora f̄ɛɛ à g̀aao Kɛdesi. ¹⁰ Ben Baraki ZebuluninƆ k̄n NafatalinƆ k̀k̄sa Kɛdesi, ben à dà z̄ɛn k̀sɛ k̄n ḡɔn b̄ɔɔ kuri p̄inƆ. Debora kú ní t́.

¹¹ Keni bori Eberu b̀ KeninƆ b̀usun yā, à mò à b̀ura k̀aɛ gb̄í lí k̀é kú Zanimu gb̄aru Kɛdesi saɛ. KeninƆ né Musa anzure Obabu boriinƆ dokemɛ.

¹² Wà ò Siseranɛ k̀ Abinɔamu né Baraki g̀aao Tabo kpiia, ¹³ ben à a s̄goro m̄p̄ɔnƆ k̀k̄sa m̀n ẁaa siiḡ k̄n bas̄ɔroo k̄n z̀ikari k̀é āɔ kúonƆ. À ní sé Arose Goyimu, ā g̀aao Kis̄ swaazi. ¹⁴ Ben Debora bè Barakinɛ: Ñ gá, zaake gb̄aan Dii é Sisera nannɛ n ɔz̄ĩ. À de Dii ḡiake à d̄nnɛ aɛ k̀ó fá. Ben Baraki p̄ita Tabo kpiia k̄n z̀ikari ḡɔn b̄ɔɔ kuri p̄inƆ. ¹⁵ Dii tò Sisera k̄n à s̄goronƆ k̄n à z̀ikarinƆ l̀k̄sa Baraki f̄ɛdaanɛ, ben Sisera b̀ a s̄goron à bàa l̀. ¹⁶ Baraki p̀ɛɛ Sisera z̀ikarinƆ k̄n ní s̄goronƆzi ai Arose Goyimu. Gwen à ní d̀ɛɛn k̄n f̄ɛdaao ní p̄ingi, baa gb̄ɛ m̀n do èe ḡro. ¹⁷ Ben Sisera bàa l̀ k̀sɛ à g̀aao Keni bori Eberu nā Yaeli kuta kiia, zaake Azo kí Yabĩ k̄n Eberu b̀ɛdeenƆ k̄ yā mà yā. ¹⁸ Yaeli b̀ à dàaɛ à bè: Ñ mó ñ ḡɛ kp̄ɛn, Maree. Ñ ḡɛ! Ñton tó v̄ia n k̄ro. K̀é à g̀è, ben nɔgb̄ɛ p̄i bisa

dààla, ¹⁹ ben Sisera bène: Ímii e ma dεε. Ñ ma gba í mà mi. Ben à zwi tùu sè à tònε à mì, ben à èara à bisa kùàla. ²⁰ Sisera bène: Ñ ze kpeεε. Tó gbēke mò à n la à be, gbēkee kú kèś, ñ benε, auo. ²¹ Kpasa'ii à sè, ben Eberu naō Yaeli kuta káro sè kōn ereeo à sōo Siserazi tεεε, ben à káro pì pè à swāgεεa à pà ai à gè à gàa à tōtε kù, ben à gà. ²² Baraki sōo e pεεε Siserazi, ben Yaeli bō à gàa à dààε à bè: Ñ mó mà gbē kè néε wetεε odoanne. Kè à gè kpén, ben à Sisera è daena, à gà kōn károo pεna à swāgεεa. ²³ Zī beean Luda Kanaa kí Yabī bùsa Isarailinōne. ²⁴ Ben Isarailinō pāsīkee e kaara ai aō gàa wà Kanaa kí Yabī dèo.

Ben aō bùsu gō a làakaria ai wè baplaa.

6

Midiāno tōna Isarailinōa

¹ Isarailinō èara wà yā kè Dii gīzi kè do, ben Dii n ná Midiānōne n ozi ai wè swεεplaa. ² Kè Midiāno e o tōmā, ben Isarailinō utekiino kèke guppiideenōn kōn gbèwεεno kōn sētεpōotunōo. ³ Tó aō pō tō, Midiāno kōn Amalekinō kōn ofāntēboε kpa bori pāndenō è mó wà léēmame. ⁴ Aōè mó wà bùra káε n bùsun, ben aōè n bura pōno yakañne ai à gá péo Gazaa. Aōè pōke tó Isarailinōnero ke sāa ke zù ke zaaki. ⁵ Aōè mó kōn n pōkadeenō kōn n bisakutaano paripari lán sutēno bà. Gbēke ègō m̄pino kōn n lakuminō lé dōro. Aōè mó wà bùsu yakame. ⁶ Midiāno Isarailinō kpà takaasikεεzi, ben aō wii pè Diizi.

⁷ Kè aō wii pè Diizi Midiāno yā musu lán beee bà, ⁸ ben Dii annabi bōñne à bè: Mamōma Dii Isarailinō Luda ma bè ma a bo zòbleen ma a boε Igipiti. ⁹ Ma a

bɔ Igitipinɔ ɔzĩ kɔn gbɛ̀ kɛ̀ aɔ ɔ tɔ̀awaanɔ́ ń pínɡi ma péńmaare, ben ma ń b̀usu kpàawa. ¹⁰ Kɛ̀ ma bèare mámbe Dii a Luda ũ, àton Amɔri kɛ̀ á kú ń b̀usunno táanɔ́ gbāgbāro, ben a gi ma yā mazi.

Dii Malaika bɔ à mɔna Gidiɔnzi

¹¹ Dii Malaika mò à v̄ɛɛ gbíí lí gbáru zaa Ɔfla, Abieza bori Yoasi be wéte. À né Gidiɔn e blɛwɛɛ gbɛ̀ɛ geepi'ifēki w̄ɛn le Midiānɔ́ tón à ero yānzi. ¹² Kɛ̀ Dii Malaika bɔ à m̀zi, à bène: Gɔ́ gbāaa, Dii kúnyo. ¹³ Ben Gidiɔn bène: Maree, tó Dii kúwao, b́yānzin yā k̄enɔ́ wa lezi pínɡii? Dabuyā k̄ɛ̀ wa denɔ́ à yā t̄k̄èweenɔ́ kú mámɛ? Aɔ̀ bè Dii wa bɔɛ Igitipi, m̄de tiala à pā kpāwazi, ben à wa na Midiānɔ́ne ń ɔzĩ. ¹⁴ Ben Dii ae d̀a à bè: N̄ gá kɔn gbāaa k̄ɛ̀ ń v̄io n̄ Isarailinɔ́ bɔ Midiānɔ́ ɔzĩ. À de mámbe méɛ n zĩ fá. ¹⁵ Ben Gidiɔn à là à bè: Maree, mé f̄ɔ̀ mà Isarailinɔ́ bɔ diame? Ma ua bé à k̄esāna Manasenɔ́ té bens̄o mámbe má n̄ngɔ́ deńla ma de bedeenɔ́ té. ¹⁶ Dii wèala à bè: Méḡɔ́ kúnyo, né Midiānɔ́ lé n̄ ne lán gbɛ̀ m̄en doo bà. ¹⁷ Ben Gidiɔn bène: Tó ma n pɔ́nnaa è, n̄ s̄eda ɔɔɔame le màḡɔ́ d̄ɔ́ k̄ɛ̀ r̄ibe n̄ɛ yā oomao. ¹⁸ N̄ton gu k̄ero ai mà su. Mé m̄ónne kɔn gbao mà dienne. Ben à wèala à bè: Méḡɔ́ kú k̄ɛ̀ ai n̄ ɛara n̄ su.

¹⁹ Gidiɔn gàa à bl̄ene d̄ɛ̀ à k̄ɛ̀ke, à bureɔdi s̄ese'ēz̄esai k̄ɛ̀ kɔn w̄isiti kilo kurio. À n̄bɔ́ kà gbíin à dò kà oroon à ḡao gbíí lí p̄i gbáru gwe, ben à diene. ²⁰ Luda Malaika bène: N̄ n̄bɔ́ kɔn bureɔdio sé n̄ k̄áe gbè k̄èkiia n̄ dò ɛea. Ben à k̄ɛ̀ le. ²¹ Ben Dii Malaika gò k̄ɛ̀ à k̄ūna z̄ɔ́ n̄bɔ́ kɔn bureɔdi p̄ioa, ben té b̀ò gbè p̄i guu à k̄ù n̄bɔ́ kɔn bureɔdi p̄ioa, ben Dii Malaika p̄i

gusii lè. ²² Kè Gidiŋ dḥ Dii Malaikame, à bè: Kúku Dii Luda, ase n Malaikan ma wée siàle tētētḥ? ²³ Ben Dii bène: Ñgō kú aafia! Ñton tó vīa n kūro. Né garo. ²⁴ Gidiŋ Dii gbāgbākii bò gwe, ben à tó kpà guu pìne Dii Aafiade. À kú Ōfla Abieza gwe ai kōn a gbāao.

Tāa gbāgbākii gborona

²⁵ Zī beeea gwāavī Dii bène: Ñ n de zùswaree kè kà wè swēplaa kū ñ Baali gbāgbākii kè n dee vīi gboro ñ Asera lí kè ze à sae zō ñ ne. ²⁶ Ñ mamoma Dii n Luda gbāgbākii bo a zéa gu gbāaa kèkii musu. Ñ Asera lí kè ñ zḥ sée yàka ũ ñ sa'opḥ kè wè ká tén à té kū oma kōn zù pìo. ²⁷ Ben Gidiŋ a zīkerinḥ sè gōn kuri à kè lán Dii òne nà. Kè èe vīa kēe a de bēdeenḥ kōn wétēdeenḥ yānzi, èe we à kè fāantēro, gwāavīn à kè.

²⁸ Kè wétēdeenḥ fēe kōngḥ, aō è wà Baali gbāgbākii gbòro wà Asera lí kè ze à sae zḥ wà nè wà saa ò kōn zùo sa'oki dufu kè wà bòa. ²⁹ Ben aō kō lāla: Dé bé à kèkii kè? Kè wà dōnzi wà gbèkagbeka, ben aō mà wà bè: Yoasi né Gidiŋ bé à kè le. ³⁰ Ben wétēdeenḥ gàa wà bè Yoasine: Ñ bḥ kōn n néo wà à de, zaake à Baali gbāgbākii gbòro bensḥ à Asera lí kè ze à sae zḥ à nè. ³¹ Ben Yoasi bè gbē kè aō ligaaziinḥ: Ámbe é yā sí kōn Baalioó? Ámbe é à bḥ? Weé gbē kè yā sio de ai guu gō gá do. Tó táan à ũ, à gí a zīndao à gbāgbākii kè wà gbòro yānzi. ³² Zī beeean wà tó kpà Gidiŋne Yerubaali wà bè: Wà à tó kōn Baalio, zaake à gbāgbākiin à gbòro.

Gidiŋ sèdagbekana Diia

³³ Midiāno kōn Amalekinō kōn ofāntēbōe kpa gbē pāndenō kō kākōa n pīngi aō bikū Yodaa, ben aō būra kàe Yezerili guzuren. ³⁴ Dii Nini sù Gidiōn-a, ben à Abiezano sisi kōn kuuo le aō mó wà téazi. ³⁵ À gbēno zì Manasenō bùsu gu pīngia wà n sisi se aō mó wà téazi. Ben à gbēno zì Asano bùsun kōn Zebulunino bùsuo kōn Nafatalino bùsuo. Ben aō mò wà nàmma.

³⁶ Gidiōn bè Ludane: Tó né Isarailino bō ma gāzī lán n à lé gbēmē nà, ³⁷ n̄ gwa, mée sākā kaee blewεεgbēkiia. Tó kpíi kpà sākā pìà ado, bensō tōte gò kori, mé dō sa kè né Isarailino bō ma gāzī lán n̄ ò nà. ³⁸ Ben à kè le. Kè guu dō, ben à fēe ide'ide, à sākā pì fē, à í taa pà. ³⁹ Ben Gidiōn bè Ludane: N̄ton pō fēmaoro. Má yezi mà yā gbekamma gèn do dō. N̄ tó mà gwa sākāa gèn do dō. Kèkii sa, n̄ tó kpíi kpá tōtēa ado, sākā gō kori. ⁴⁰ Gwāavī beea Ludaa kè le. Kpíi kpà tōtēa gu pīngia, sākā bé à gō kori ado.

7

Gidiōn kōn a gbēno zìblena Midiāno

¹ Gidiōn kōn gbē kè aō kúono fēe kōngō ide'ide aō gāa wà būra kàe Arodi íbōkiia. Midiāno būra kú guzuren gu'igbāroo kpa Mōre sīsigezi. ² Ben Dii bè Gidiōnne: Gbē kè aō kúnyono kè pari, mé Midiāno nañne n̄ oziro. Tó má n̄ nánne n̄ ozi, aōé ãa dā wà be n̄ zīnda gbāaa bé à n̄ bō. ³ N̄ kpàakpa ke gĩa n̄ beñne, gbē kè swè kèn, ben èe lugalugaa, adee εara. Ben gōon boro baro awεεplaaa εara, gōon boro kuri bé à gō. ⁴ Ben Dii bè Gidiōnne: Aō kpé pari ai tia. N̄ gányo í kiia, mé n̄ pleplenne gwe. Gbē kè má

ònnε aṣé gányonᵒ bé weé gá, gbē kè má ònnε aṣé gányoroonᵒ sᵒ bé weé gᵒ. ⁵ Kè à gàányo í kiia, Dii bèné: Ñ gbē kè n̄ è aṣ lé pè ía lán gbēε bànᵒ plekᵒte kᵒn gbē kè aṣ kùε n̄ kosooa wà í dà ɔɔ wèε miinᵒ. ⁶ Gbē kè aṣ lé pè íanᵒ gᵒɔn wàa do kpé basᵒɔromε. Gbē kpaaanᵒ sᵒ kùε n̄ kosooa aṣ í m̄. ⁷ Ben Dii bè Gidionne: Mé Midiānᵒ naare a ɔɔĩ kᵒn gᵒɔn wàa do kpé basᵒɔroo kè aṣ lé pè íanᵒ sa mà a bᵒ. Ñ gbē kpaaanᵒ gbare, aṣ baade tá a be. ⁸ Ben Gidion gᵒɔn wàa do kpé basᵒɔroo p̄inᵒ sè, aṣ gbē kè aṣᵒε taa beεnᵒ kūsāenᵒ kᵒn n̄ kuunᵒ s̄im̄ma, ben à ñ gbáε.

Gidion kú s̄is̄i musu, Midiānᵒ bùra kú guzuren à ḡĩ. ⁹ Gwāav̄i beea Dii yā ònε à bè: Ñ fεε n̄ gánzi n̄ bùran, zaake ma n̄ nánne n ɔɔĩ. ¹⁰ Tó v̄ia e n k̄ūu n̄ gánzime, n̄ p̄ita n̄ gá l̄edo kᵒn n z̄ikeri Puraᵒ ¹¹ n̄ swā kpá yā kè aṣᵒε ooz̄i. Yā p̄i é n gba swè le n̄ gánzi n̄ bùran. Ben à p̄ita kᵒn a z̄ikeri Puraᵒ aṣ s̄ᵒ n̄ bùra lézi. ¹² Midiānᵒ kᵒn Amalekinᵒ kᵒn ɔfánt̄εbᵒε kpa gbē p̄āndenᵒ kaena guzuren n̄ p̄ingi, aṣ kpá lán sutēnᵒ bà. Wèε f̄ᵒ wà n̄ lakuminᵒ n̄aroro, aṣ pari lán ísiale bùsu'āat̄ε bà.

¹³ Kè Gidion kà gwe, à gbēke lè, èε a nanaa t̄k̄ēε a gbēndoonε à bè: Ñ nanaa kè má ò ma. Má è buredi kᵒᵒ kporogoo e gbegere paa, ben à lèε wa bùran à si bisakutaaa, ben kutaa p̄i lèε kpεεgānda à ḡᵒ kaena. ¹⁴ Ben à gbēndoo p̄i bèné: Yoasi né Gidion, Isaraili bori f̄ēdaan n̄ è gwe, èε ke p̄ó p̄āndenlo. Luda Midiānᵒ kᵒn wa bùraᵒ n̄anε à ɔɔĩ p̄ingi. ¹⁵ Kè Gidion nanaa p̄i yā mà kᵒn à b̄ok̄t̄enao, à donzi kè Diine. Ben à èara Isarailinᵒ bùran à bè: À fεε! Dii Midiānᵒ nàwe wa ɔɔĩ. ¹⁶ À gᵒɔn wàa do kpé basᵒɔroo

pìnŋ kpàate gāli aagŋ, ben à kuu kŋn lo korio kpà n̄ baadea. Ben wà sè té sòtòsòtò loo pìnŋ guu. ¹⁷ À bènnè: Mée gaa ai n̄ bùra léa. Àgŋ ma gwaa. Lán á è má kè nà, à ke le se. ¹⁸ À liga n̄ bùrazi pínŋi. Tó mapi kŋn gbè kè aŋ kúmaonŋ wa kuu pè, à a pò pé se à wii lé à be: Dii pómè kŋn Gidion-o.

¹⁹ Gidion kŋn gŋŋn basŋroo kè aŋ kúonŋ kà bùra léa lezāndo gudākparinŋ kŋ lendekena gbera gŋŋ. Ben aŋ n̄ kuu pè n̄ pínŋi, aŋ loo kè aŋ kúnanŋ wíwi. ²⁰ Ben gāli aagŋŋ pìnŋ baade a kuu pè aŋ n̄ loonŋ wíwi. Aŋ sè ténŋ kúna ɔzεεo, aŋ kuu kè aŋɔe pεenŋ kúna ɔpłaan. Ben aŋ wii lè wà bè: Dii kŋn Gidion-o fεεdaame. ²¹ Baade ze a gbèn ligana bùrazi, ben bùradeenŋ fεε wà lè kŋa kŋn wiiio aŋ bàa lè. ²² Kè wà kuu mèn wàa do kpé basŋroonŋ pè le, Dii tò bùra pì deenŋ kŋ dède kŋ tεε kŋn fεεdaao. Zìkari pìnŋ bàa lè wà tà Betesita kŋn Zererao ai Abeli Mɔla léa Taba kpa. ²³ Wà Nafatalinŋ kŋn Asanŋ sisi kŋn Manasenŋ n̄ pínŋi, ben aŋ pèε Midiānŋzi. ²⁴ Ben Gidion gbēnŋ zì aŋ gàa Eflaimunŋ gukpiideen pínŋi, aŋ bènnè: À pita à gá Midiānŋzi. À zé zŋnne Yoda bikŋkiinŋa ai Betebara. Ben wà Eflaimunŋ sisi n̄ pínŋi aŋ gàa wà zé zŋnne Yoda bikŋkiinŋa ai Betebara. ²⁵ Ben Eflaimunŋ Midiā kínanŋ kù gŋŋn plaa, Orebu kŋn Zebuo. Aŋ Orebu dè gbè saε, kè wè be tia Orebu gbè. Aŋ Zebu dè dŋ, guu pìn wè be tia Zebu geepi'ifékii. Ben aŋ èara wà pè Midiānŋa. Ben wà kína pìnŋ mì zŋzŋ wà gāao Gidionne Yoda baa kaa kpa.

8

¹ Eflaimunŋ Gidion là wà bè: Bŋyānzin n̄ kèwe lezi? Kè née gaa zì ká kŋn Midiānŋ, ben née wa sísiroo?

Ben aã wisòzi le pāsīpāsī, ² ben à bèñne: Bón má kè kè kà a pó ũu? A Eflaimunŋ geepi kōwena maa de wamŋwa Abiezanŋ geepikεkenala. ³ Luda Midiā kīnanŋ Orebu kōn Zebuŋ nàare a ɔzī. Bón ma fō má kè kè kà a pó ũu? Kè à òñne le, ben aã pɔfē gbasà à kpàe sa.

Zeba kōn Zalamunao dedena

⁴ Gidion kōn a gbē gōon wàa do kpé basŋroonŋ kpé wèe pεε Midiānŋzi, baa kè aã gbāaa bùsa. Kè aã kà Yodazi, ben aã bikū. ⁵ Ben à bè Sukodeenŋne: À ma gbēnŋ gba póblee. Aã gbāaa bùsa bensō má kpé méε pεε Midiā kīnanŋ Zeba kōn Zalamunaozi. ⁶ Ben Suko gbēnsinŋ bè: Zeba kōn Zalamunao gē n ɔzī kōn yó? À kè dia wé n zīkarinŋ gba póblee? ⁷ Gidion wèñla à bè: Zaake á ò le, tó Dii Zeba kōn Zalamunao nàme ma ɔzī, mé a ke gyáigyai kōn gbāa lèo. ⁸ Zaa gwe à gàa Penieli, ben à wéε kēm̄ma le dŋ. Penielideenŋ wèàla lán Sukodeenŋ wèàla nàme dŋ, ⁹ ben à bèñne se: Tó ma gaa ma su aafia, mé gudákpaki lezī kè gboro.

¹⁰ Zeba kōn Zalamunao kú Kako kōn n zīkarinŋ gōon bŋrŋ gēro. ɔfántēbŋε kpa zīkpεε kè aã gōonŋ gwe. Aã fēedadeenŋ gàga gōon bŋrŋ baswεedo. ¹¹ Gidion laatarinŋ zé sè Nŋba kōn Yŋgbεao ɔfántēbŋε kpa, ben à sī zīkari pìnŋ té gurŋ kè aã sà n zīnda yān. ¹² Midiā kīna pìnŋ Zeba kōn Zalamunao bàa lè, ben à pèñzi à n kükū, ben à tò n zīkarinŋ lèkōa n píngi.

¹³ Kè Yoasi né Gidion bŋ zīlan èε suu, à bŋε Eresi Gbèkotozen, ¹⁴ ben à Suko gōkpare ke kù à à lala yāzi, ben gōkpare pì Suko gbēnsinŋ tó kēne takadan gōon baaagŋ akuri awεeswεεplaa. ¹⁵ Ben Gidion gàa

à Sukodeenŋ lè à bè: Zeba kŋn Zalamunaon yè. A ma lalandi kè yā a bè, Zeba kŋn Zalamunao e gē ma ɔzī kŋro. É fŋ à ma gbē kè n gbāaa būsano gba póbleero. ¹⁶ Ben à wéte pì gbēnsi pìno kùkù à n ké gyáigyai kŋn gbáa lèo, aŋ dŋ n mèa. ¹⁷ Ben à gaa à Penieli gudákpaki lezī gbòro à wéte gŋgbēno dède.

¹⁸ Ben à Zeba kŋn Zalamunao là à bè: Gbē kè a n dède Tabonŋ de diame? Aŋ wèala wà bè: Aŋ de lán n bàme, aŋ kakana de lán kínenŋ bà. ¹⁹ Ben Gidion bènnè: Ma vŋi dadŋnkŋdeenŋ gwe. Tó a n tó yā, kŋn Diio mé a dèdero. ²⁰ Ben à bè a daudu Yetane: N fèe n n dède. Né pì e a fèedaa wotoro, vŋa à kù, zaake né fèteme. ²¹ Ben Zeba kŋn Zalamunao bè: N fèe n wa dède n zīnda. Baade kŋn a gbāaaome. Ben Gidion fèe à n dède à mò kāmbe kè da n lakuminŋ waale bèe.

²² Isarailinŋ bè Gidionne: N gŋ wa mīdee ū kŋn n boriinŋ. Zaake mbe n wa bŋ Midiānŋ ɔzī. ²³ Ben Gidion bènnè: Mé gŋ a mīdee ūro, baa ma né. Diin a kí ū. ²⁴ Ben à èara à bènnè: Mée wée keewa: A baade swāi kè à sirŋma kpáma mèn doodo. Midiānŋ ègŋ vura swāi dana, zaake Sumaila boriinŋme. ²⁵ Aŋ bène: Wé kpámma kŋn nðseo do. Aŋ bisa kpàe, ben baade swāi kè à sirŋmanŋ dàn mèn doodo. ²⁶ Vura swāi kè à gbèkarŋma pìno tūisi kà kilo baro, mòkāmbeeno kŋn swāinŋ kŋn gumusu tēaa kè Midiā kīnanŋ dananŋ kŋn mòkāmbe kè da n lakuminŋ waalenŋ baasi. ²⁷ Ben à pì màsokèbo ū à pèe a be wétèn zaa Ōfla. Ben Isarailinŋ pāpāa kè wà dŋzi n píngi, ben à gŋ takutèe ū Gidionne kŋn à bēdeenŋ.

²⁸ Len Isarailinŋ Midiānŋ gbāaa būsala. Midiānŋ e e wà mī bŋ dŋro. Ben Isarailinŋ būsua gŋ kaena

aafia Gidion guro ai wè baplaa.

Gidion gana

²⁹ Yoasi né Gidion gàa à vèè a be. ³⁰ À négōgbē kè à n'íno gōon baaagō akurime, zaake à noonoo pari. ³¹ À noooee vī do zaa Sekemu kè à négōgbē io, ben wà tó kpàne Abimeleki. ³² Yoasi né Gidion gà a zikūmme, ben wà à mira kpākōzi kōn a de pōo zaa Ōfla Abieza.

³³ Kè Gidion gà gōo, ben Isarailino èara wà pāpāa kè wà dō Baalizi. Ben aō tāa kè wè be Baal-ibaakuwao pèe n' dīi ū, ³⁴ ben Dīi n' Luda kè à n' bō n' ibee kè aōo ligañzi kpa pīngiano ozi yā sàngu. ³⁵ Aōo gbēkee ke Gidion kè wè bene do Yerubaali bedeeno yā maaa kè à kēne pīngi musuro.

13

Samusī ina

¹ Isarailino èara wà yā kè Dīi gīzi kè do, ben Dīi n' ná Filisitininone n' ozi ai wè baplaa. ² Gōgbē kee kú Zora, Dani boriime, à tón Manoa. À naō né pāaame, èe né iro. ³ Dīi Malaika bō à mō nogbē pīzi à bè: Ñ ma! Pāaan n' ū, née né iro, mode né nò sí n' né i gōgbē ū. ⁴ Ñ làakari ke! Ñton geepiwēe ke í gbāa ke miro. Ñton tè ke blero. ⁵ Né nò sí n' né i gōgbē ū. Gēe tón na né pī miaro, zaake eégō de Luda pō ūme zaa a iguro. Àmbe eé na Isarailino bōnaa Filisitininō ozi.

⁶ Ben nogbē pī gàa à ò a zāne à bè: Luda gbēke mō ma kiia. Tó n' à è, à de lán Luda Malaika bà à naasi vī maamaa. Mēe à la tó mán à bōnlo, bensō èe a tó omero. ⁷ À bème mé nò sí mà né i gōgbē ū. À bème màton wēe ke í gbāa ke miro, bensō màton tè ke blero, zaake né pī égō de Luda pō ūme zaa a iguro

ai à wèndi lén. ⁸ Ben Manᵛa wée kè Diia à bè: N yā nna Dii! N tó gbē kè n zī ɛara à mó dᵛ à yā kè wé ke kōn né pìo à ina gbɛraa dawɛ. ⁹ Luda Manᵛa yā mà, ben Luda Malaika pì ɛara à mò nᵛgbē pìzi gurᵛᵛ kè à kú bura. À zā Manᵛa kúo gwero, ¹⁰ ben à kè kpaa à bàa lè à gàa à ònɛ à bè: Gᵛgbē kè bᵛ à mò mazi zī mᵛa kè dɛɛ! ¹¹ Manᵛa fɛɛ à tè a naᵛzi. Kè à kà gᵛgbē pì kiia, à à là à bè: Mbe n yā ò ma naᵛó? À wèàla à bè: Mámbee! ¹² Ben Manᵛa à là à bè: Tó n yā pì gàa à kè lɛ, né pì kuuna éḡᵛ dɛ diamɛ? Bᵛ zīin ééḡᵛ kɛɛ? ¹³ Dii Malaika wèàla à bè: N naᵛ ḡᵛ yā kè má ònɛ kūna píngi. ¹⁴ Àton geepi lí pᵛke blero. Àton wɛɛ ke í gbāa ke miro. Àton tè ke blero. Àḡᵛ yā kè má diɛnɛ kūna píngi. ¹⁵ Ben Manᵛa bènɛ: N yā nna, n zɛ ḡā ai wà blènɛ bᵛrᵛ kekennɛ. ¹⁶ Dii Malaika wèàla à bè: Baa tó ma ḡᵛ kè, mé n pᵛke blero. Tó n sa'opᵛ kè wé ká tén à té kū soru kè, n o Diia. Manᵛa e dᵛ kè Dii Malaikanlo, ¹⁷ ben à à là à bè: N tᵛn diaa? Tó yā kè n ò pì kè, wé sáabu kennɛ. ¹⁸ Dii Malaika wèàla à bè: Bᵛyánzin néɛ ma tó gbekaazi? Tᵛ bᵛnsaɛmɛ. ¹⁹ Ben Manᵛa blènɛ bᵛrᵛ kù à flawa sè à Dii gbàgbāo gbè ke musu. Kè Manᵛa kōn a naᵛo wée kà wèɛ gwaa, ben Dii yābᵛnsaɛ kè ²⁰ à tò té bᵛ sa'okii pìn à fɛɛ musu, ben Dii Malaika fɛɛ ténɛnɛ pì guu à tà musu. Kè Manᵛa kōn a naᵛo è lɛ, ben aᵛ dàɛ n puua.

²¹ Dii Malaika e gà à mò Manᵛa kōn a naᵛozi dᵛro, ben Manᵛa dᵛ sa kè Dii Malaikamɛ. ²² Manᵛa bè a naᵛnɛ: Wa gan gweee! Zaakɛ wa wée sì Ludalɛ. ²³ Ben à naᵛ bènɛ: Tó Dii yezi à wa demɛ, lɛ èɛ saa kè wá òa kōn flawao síro, lɛ èɛ yā kènᵛ owero bensᵛ èɛ yā pì ᵛdᵛawero.

²⁴ Nᵛgbē pì né ì ḡᵛgbē ũ, ben à tᵛ kpànɛ Samusĩ.

Né pì bíta kù, bensõ Dii aubarika dàn. ²⁵ Dii Nini nà zíkēnaa à guu gurɔ̀ kè à kú Daninɔ̀ bùran, Zɔra dagura kɔ̀n Esetaoluo.

14

Samusĩ nɔ̀sena Filisitininɔ̀ té

¹ Samusĩ gaa Timina, ben à Filisitini nénɔ̀kparɛ ke è gwe. ² Kè à sù, ben à bè a de kɔ̀n a daone: Ma Filisitini nénɔ̀kparɛ ke è zaa Timina. À gá à à wɛtɛmɛ mà sé nɔ̀ɔ̀ ũ. ³ Ben à de kɔ̀n à dao bènɛ: Nɔ̀ɔ̀ kú n danɛnɔ̀ ke n boriinɔ̀ ténloo? Ben né gá ñ nɔ̀ɔ̀ sé Filisitini gefɔ̀odeenɔ̀ tɛɔ̀? Ben Samusĩ bè a dene: Ñ gá ñ à wɛtɛmɛ dé, zaake nɔ̀kparɛ pin má yezi. ⁴ À de kɔ̀n à dao e dɔ̀ kè yā pì bò Dii kiianlo, zaake Dii e zé wɛtɛɛ à yā mɔ̀ Filisitininɔ̀nɛmɛ. Gurɔ̀ beeea Filisitininɔ̀ bé wèe kí blee Isarailinɔ̀a.

⁵ Ben Samusĩ e gaa Timina kɔ̀n a de kɔ̀n a dao. Kè aɔ̀ kà Timina geepi bura, músunɛ bɔ̀rɔ̀ bò Samusĩzi èe pùtāa. ⁶ Dii Nini sù, ben à músu pì kù à kèkɔ̀rɛ lán wà be blènɛ bɔ̀rɔ̀ à kèkɔ̀rɛ bà. À pòke kūna à ɔ̀zĩ sɔ̀ro. Èe yā kè à kè pì o a de ke a danɛro. ⁷ Ben à gaa à yā ò kɔ̀n nɔ̀kparɛ pìo, nɔ̀kparɛ pì sɔ̀ kènɛ maa.

⁸ Kè à gurɔ̀plaa kè, à fɛɛ èe gaa nɔ̀ɔ̀ pì sé sa, ben à liɛ à gaa músu gè pì gwa. Ben à è zónɔ̀ sà dò à gèa ai aɔ̀ í kè. ⁹ Ben à ɔ̀ dàn à à sà gá à wòto èe blee, ben èe taao. Kè à kà a de kɔ̀n a dao kiia, à líínɛ aɔ̀ɔ̀ blè, mɔ̀de èe ońnɛ kè a bò músu gè guunlo.

Samusĩ gara gbooto dana Filisitininɔ̀nɛ

¹⁰ À de gaa nɔ̀kparɛ pì kiia, ben Samusĩ pɔ̀nna pòblee kènnɛ lán nɔ̀sɛrɛ è ke nà. ¹¹ Kè à mò, wà gɔ̀kparɛnɔ̀ sɛsi gɔ̀ɔ̀n baaakuri wàgɔ̀ kúo. ¹² Ben

Samusĩ bèñne: Má gara gbooto ke vĩ mà daare. Ai póblena gurɔ swɛɛplaaa kè gá papao, tó a f̃ à gara pì bòmɛ, mé bisa kpáawa pii baaakuri k̃n utao waa baaakuri. ¹³ Tó ée f̃ à bòmɛ s̃ro, ámbɛ é bisa pii baaakuri k̃n uta waa baaakurio kpáma. Ben ã bèñne: Ñ ñ gara pì dawɛ wà ma. ¹⁴ À bèñne: Póblee bò p̃sori guu, p̃ nnaa bò p̃ gbāaa guu.

Ben ãɔɛ f̃ wà gara pì b̃ro ai gurɔ aag̃. ¹⁵ À gurɔ siig̃dee z̃n ã bè Samusĩ nãñne: Ñ ãnd̃ɔ ke n z̃zi à gara pì bowɛ. Tó lenlo, wé n kpata k̃n n de bɛdeenɔ. Ase a wa sisi le à wa p̃nɔ síwamɛ? ¹⁶ Ben Samusĩ nã e ɔɔ d̃ɔñne à bè: N zamagu! Ñ yemaziro! N gara ke dà ma gb̃ñnɛ, bens̃ néɛ bomɛro. Ben à bèñne: Méɛ ho ma de ke ma danɛro. Bó bé à tò mé onnɛ? ¹⁷ Èe ɔɔ d̃ɔñne ai gurɔ swɛɛplaaa pì gàa à p̃apao. À gurɔ swɛɛplaadee pì z̃i ben Samusĩ gara pì b̃nɛ kè à nàk̃rɛa ỹanzi, ben nɔɔ pì gàa à ò a gb̃ñnɛ. ¹⁸ À gurɔ swɛɛplaadee z̃i ai ɔf̃ant̃ɛ g̃ó gá g̃ɛ kpén w̃ɛɛ pì g̃ɔkparɛnɔ bèñne:

Bó nnaa bé à de z̃ílaa?

Bó gbāaa bé à de músulaa?

Ben Samusĩ bèñne: Tó èe ke a bú wì k̃n ma z̃ununuoro, le ée f̃ a ma gara pì b̃ro. ¹⁹ Dii Nini s̃ua, ben à gàa Asakeloni à g̃ɔgb̃nɔ d̃ɛde g̃ɔn baaakuri à ñ p̃ókāsānɔ p̃itír̃ma, ben à gàa à kpà gb̃ɛ kè ã à gara pì b̃nɛnɔa. Ben à p̃ɔ f̃ à tà a de bɛ. ²⁰ Ben wà Samusĩ nɔɔ pì k̃ũ wà kpà à gb̃enna kè zè à sae nɔɔ pì ségurɔɔ z̃i.

15

Samusĩ tés̃na Filisitininɔ buraaa

¹ Kè à kè gurō plaa, burapōnōkēgēgurōwō kà, ben Samusī blēne bōrō kù à gāa a nōw pì gwao. À bè: Má yezi mà gá ma naōzi kpé guu. Ben à nōw pì de e à gba zéro ² à bè: Mée daa n yezinlo, ben ma à kpà n gbēnnaa. À dāaro maa deàla. N̄ à sé à gēē ũ. ³ Samusī bèñne: Tó ma yā zaaa kè a Filisitininōne sa, mégō taari vī dōro.

⁴ Samusī gāa à gbēngboonō kùkū wāa do kpé basōoro, ben à sè yìyi sōōōsōōō. À gbēngboo pìnō vlāa yìyi kōa plaplaa, ben à sè pì yìyi n vlāa pìnōa. ⁵ À té nà sè pìnōa, ben à gbēngboo pìnō gbàre Filisitininō bura. Aō blewēē té kù píngi kōn n blewēē gbàno kōn n geepi búno kōn n kùkpēno píngi. ⁶ Ben Filisitininō bè: Dé bé à yā kè taka kèwee? Ben wà bè: Samusīme, Timina gbē anzure. À anzure pì à nōw siame, ben à kpà à gbēnnaa. Ben Filisitininō gāa wà té sō nōw pìà kōn a deo. ⁷ Samusī bèñne: Zaake á kè le, mé kámma boro ai ma gaa gēē booawa. ⁸ À si n̄ té à n̄ ké dúgudugu, aō dedēna pì gēē òla, ben à gāa à vèē Etamu gbèwēēn.

Filisitininō dedēna kōn zaaki gēwao

⁹ Filisitininō gāa wà bùra kàe Yudanō būsun, aōgō kpá guula ai Gēewa sae. ¹⁰ Ben Yudanō n̄ lá wà bè: Bóyānzin a mōwazi kōn zìozi? Ben aō bè: Wa mō wà Samusī kūme, le wà kēne lán à kèwe nà. ¹¹ Ben Yudanō gōōn bōrō aagōōnō gāa Etamu gbèwēē kīia aō bè Samusīne: N̄ dō kè Filisitininō bé wèe kí bleewarōo? Bó yān n̄ kèwe gwee? À wèñla à bè: Pó kè aōw kèmēēn má kēñne. ¹² Ben aō bè: Wa mō wà n yi wà n kpámame. Ben Samusī bè: À la dame

kè é ma de a zĩndaro. ¹³ Ben aõ bène: Auo! Wé n dero. Wé n yi kǒn bàome wà n nañne n ɔzĩ. Ben aõ à yi kǒn bà dufuo mèn plaa aõ b̀ò gbèwεε pì guu.

¹⁴ Kè wà kào Gεεwa, ben Filisitininɔ mò wà daàε, aõε wuu kaaa. Dii Nini sù Samusĩa, ben bà kè wà à yìo a ɔɔnɔa g̀lán zĩndoo tékũna bà, ben bà pìnɔ z̀z̀z̀k̀r̀ε à ɔɔa. ¹⁵ À zaaki g̀ε dufu gεεwa è, ben à nàε à sè à g̀ɔɔn wàa ɔɔroonɔ dèdεo. ¹⁶ Samusĩ bè: Zaaki gεεwan ma g̀ɔɔn wàa ɔɔroonɔ dèdεo, zaaki gεεwan ma n t̀t̀t̀ok̀la.

¹⁷ Kè à yā pì ò à yāa, ben à gεεwa pì zĩnna. Ben wà tó kpà guu pìnε Gεεwa s̀s̀s̀.

¹⁸ Ímii à kù gbāa, ben à wii pè Diizi à bè: N tó mamɔma n z̀b̀bleri ma z̀l̀ blè maamaa, ben né tó mà ga kǒn ímiiò mà léε Filisitini gεfɔɔdeenɔ ɔzĩs?

¹⁹ Luda Gεεwa gu z̀òoto pàra, ben í b̀n. Samusĩ mì, ben à ẁèndi sù à gbāaa è. Beee yānzin wè guu pì sísi Ènakore. À kú Gεεwa ai kǒn a gbāao.

²⁰ Samusĩ yā g̀g̀g̀ Isarailinɔε ai wè baro Filisitininɔ kiblemmanaguro.

16

Samusĩ Gaza g̀k̀k̀i gbà gborona

¹ Samusĩ gàa Gaza à kaarua ke è gwe, ben à g̀ε à daεo. ² Wà bè Gazadeenɔne: Samusĩ kú kè. Ben aõ liga guu pìzi, wèε à kpákpa wéte g̀k̀k̀iia gwāavĩ.

Aõ ỳt̀ε gwāavĩ pìà wà bè: Tó guu d̀, wé à dεmε. ³ Samusĩ dàε gwe ai lezāndo, ben à f̀ε à gàa à wéte g̀k̀k̀i gbà kù kǒn a lípεε mèn plaaanɔ à ẁr̀ε kǒn à gbāngao lεdo. À dà a g̀n à gàa à zĩnna s̀s̀s̀ kè aε d̀ Èblɔnua musu.

Samusĩ kŏn Delilao

⁴ Beee gbɛra Samusĩ yè nɔgbɛ kezi zaa Sɔɾeki guzuren, à tón Delila. ⁵ Ben Filisitininɔ kínanɔ gaa wà nɔgbɛ pì lè aĩ bène: Ñ ɔndɔɔ daezi lɛ ñ e ñ à gbāa bíta pì asii dŏ kŏn dian wé ke nà wà gbāaa mónɛo. Tó wa à yì bào wa à gbāaa bùsa, wa baade é n gba kondogi ɔɔ mèn wàa sɔɔro kpé basɔɔro. ⁶ Ben Delila bè Samusĩne: Ñ n gbāa bíta asii omɛ kŏn dian weé ke nà wà n yi bào wà n gbāaa busao. ⁷ À wèàla à bè: Tó wà ma yi kŏn kyā yīi mèn swɛɛplaaao, beee bé eé ma busa màgŏ dɛ lán baade bà. ⁸ Filisitininɔ kínanɔ mò Delilane kŏn kyā yīi kè èe kori kũrooo mèn swɛɛplaaa, ben à à yìo. ⁹ À kũrinɔɔ utena kpétu, ben Delila bè Samusĩne: Samusĩ! Filisitininɔɔɛ zenla fá! Ben à kyā pìnɔ kèkè lán bà muna bà, wèe à gbāaa asii dŏro.

¹⁰ Ben Delila bène: Néɛ ma lalandi keɛ, néɛ egɛɛ toomɛɛ. Ñ omɛ sa dian weé n yi nà. ¹¹ Ben à bène: Tó wà ma yi kŏn bà gègete dufu kè wèe zīi keo zikirooo, eé ma busa màgŏ dɛ lán baade bà. ¹² Ben Delila bà pì sè à à yìo. À kũrinɔɔ utena kpétu, ben à bè: Samusĩ! Filisitininɔɔɛ zenlaee! Ben Samusĩ bà kè dɔ a ɔɔa pì kèkè lán sɔbuba bà. ¹³ Delila bène: Néɛ ma lalandi keɛ ai tia. Néɛ egɛɛ toomɛ. Ñ omɛ sa dian weé n yi nà? Ben à bène: Tó n ma mikā gbāa mèn swɛɛplaaanɔ kù n dà àsan n tà, ben n káro pèa, mé busa màgŏ dɛ lán baade bà. Delila tò ii à sè, ben à à mikā gbāa mèn swɛɛplaaa pìnɔ kù à tà lán bisatāna bà ¹⁴ à káro pèa. Ben à bè: Samusĩ! Filisitininɔɔɛ zenlaee! Ben à vù à àsa pì gà à wùre kŏn a mikāo.

¹⁵ Delila èara à bène dɔ: Nèègŏ bee n yemazi,

bensõ neè ma náane kero né? N ma lalandi kè à kà gèn aagõ. Néε n gbãa bíta asii omero. ¹⁶ Len ègõ nakõreεa le kõn yã beee takao yãana sai. Èe a zĩnda busaane ai à gàa à fù menaa à yezi à ga. ¹⁷ Ben à yã kè kú a swèn òne píngi sa à bè: Gεε e na ma mià zikiro, zaake wà ma ke Luda pó ũme. Tó wà ma mi bò, ma gbãaa é bɔmagu, mé busa màgõ de lán baade bà. ¹⁸ Kè Delila è à yã kè kú à swèn òare píngi, ben à lékpāsā kè Filisitininɔ kínanɔne à bè: À εara à mó gèn do ɔ, zaake à à píngi òme sa. Ben aõ èara wà mò à kiia, aõ kondogi pì kūna. ¹⁹ Delila tò ii Samusĩ sè a gbála, ben à gɔgbẽ ke sisi. À à mìkã gbàa mèn swεεplaaa pìnɔ bò, ben à nà busanaa à gbãaa pì bòn. ²⁰ Delila bè: Samusĩ! Filisitininɔεε zenlaee! Ben à vù èe daa é ke lán yãa bà à a zĩnda bɔme. À dõ kè Dii a tonlo. ²¹ Ben Filisitininɔ à kù, wà à wéεnɔ bɔbɔ, ben aõ gàao Gaza. Aõ m̀gotẽ gata kpàne, ben wà à dà èe wísi lɔɔ kpésiaan. ²² À mìkã pì èara à nà kpaεnaa ɔ à bona gbera.

Samusĩ gana

²³ Filisitininɔ kínanɔ kɔ kàkɔa le wà n tãa Dagɔni gbãgbã, ben aõεe pɔnnaa keε wèe bè: Wa tãa wa ibεε Samusĩ nàwe wa ɔĩ. ²⁴ Kè Filisitininɔ à è, aõ n tãa sáabu kpà wà bè:

Wa ibεε wa bùsu dè,
à wa gbēnɔ dède dúgudugu,
ben wa tãa à nàwe wa ɔĩ.

²⁵ Lán aõ pɔɔ kè nna nà aõ bè: À Samusĩ sisi à kɔkɔ owe. Ben wà à b̀ kpésiaan à yáadoziyã kèńne.

Kè wà à zè kpé wesagbanɔ dagura, ²⁶ à bè gɔkpare kè à à ɔ kūnanε: N gámao wesagba kè aõ kpé senanɔ

sae ɛ mà ɔ nanaa mà gbāaa ea. ²⁷ Tāakpe pì pà, gṣgbēnɔ kṣn nɔgbēnɔ kú gwe kṣn Filisitininɔ kínanɔ n pínɡi. Gbē kè aṣɔ kú kpé pì musu kà gṣɔn bɔrɔ aagṣ, kè aṣ mò Samusí kṣkṣ gwa.

²⁸ Samusí wée kè Diia à bè: Dii Luda, n tó ma yā dɔngu. Luda, n ma gba gbāaa gèn do dɔ ɛ mà gṣe boo Filisitininɔa ma wée mèn plaa yā musu. ²⁹ À ɔ nàna wesagba mèn plaaa kè aṣ kpé pì kūna gura súusunɔa, à ɔplaa kú à dooa à ɔzɛɛ kú à dooa dɔ. ³⁰ À bè: N tó mà ga kṣn Filisitininɔo! À nàe, ben à ɔ yìpazi kṣn gbāaaɔ, ben kpé pì gbòro à sì Filisitininɔ kínanɔa kṣn gbē kè aṣɔ kú à guunɔ n pínɡi. Gbē kè Samusí n déde a gagurɔɔnɔɔ pari de gbē kè à n déde gurɔ kè à kú wèndiɔla. ³¹ À dāaronɔ kṣn à de bɛdeɛnɔ mò n pínɡi aṣ à gè sè wà tàò, ben aṣ à mira kpàkṣzi kṣn à de Manɔa pɔo, Zɔra kṣn ɛsetaɔluo dagura. À yā gṣṣ Isarailinɔne ai wè baro.

Luda yá takada kǝn Bokobaru yáó
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5